

qual li ha dito scrivi a la Signoria: « Li mediei mi hanno dito dubitar assai di la vita sua, e però in queste occorenze la Signoria fazi provisione di uno altro orator de li ».

*Di Napoli, di Lunardo Anselmi consolo nostro, di 4.* Come de li zà si havia sentor di la conclusion di la liga, e il ducha di Termini preparava le zente e quelli altri signori. *Item*, la duchessa di Milan li havia mandato a dir si l'era vero di la conclusion di la liga fata a Roma come l'havia inteso, e si ralegrava. *Item*, il signor di Piombin, con la moglie partita per andar a Piombin, per fortuna non ha potuto arivar et è restato a Gaeta etc.

*Di Mantoa, di Paulo Agustini, lettere.* Come il marchese verà a bon camino, e vorrà esser stà nominato in la liga, e francesi hano auto a mal intender il provedador Griti sia ritornato a Padoa, et dil zonzer dil Baion e altre zente. Nulla da conto.

Da poi disnar, fo Pregadi per far uno orator a Roma. Et leto le dite lettere di Roma, e altre venute in questi zorni.

Fu posto, per li savii dil Consejo e sier Gasparo Malipiero e sier Zuan Badoer dotor cavalier savii a tera ferma, che altri non sono qui: atento la egitudine pericolosa di l'orator nostro a Roma, elezer se debi *de presenti* uno orator a Roma con ducati 120 al mexe, et possi esser electo di ogni luogo e officio. *Etiam* se ne elezi uno altro orator in Spagna con ducati 120 al mexe, et sier Francesco Capelo el cavalier zà electo orator in Ingaltera si meti in hordine, et sia expedito et mandato a la sua legatione. Sier Alvise Malipiero savio dil Consejo vol la parte, con questo l'orator di Roma sarà eleto habi ducati 150 al mexe, et sier Antonio Grimani procurator contradise, dicendo è bon sparagnar li danari e vadi con ducati 120 che poleno ben star e vadagnano anche altro. Li rispose el dito sier Alvise Malipiero, et li consieri messeno fusse electo ..... Et sier Vetur Dolfin cao di 40, solo messe ch' el fosse electo di ogni loco e officio continuo et con ducati 150 al mexe, e con pena di ducati 1000 d'oro oltra le  
63 altre pene. Et andoe tre parte, et di largo fu presa queste dil cao di LX, et cussi fo fato li scurtinii con boletini. E nota: *in reliquis* di la parte tutti tre fono di opinion, *videlicet* far orator in Spagna et expedir l'orator electo in Ingaltera. E fato il primo scurtinio, a Roma niun non passoe, et in Spagna rimase sier Antonio Zustinian el dotor savio a terra ferma. E *iterum* fato scurtinio, a Roma rimase sier Francesco Foscari el cavalier fo podestà a Padoa, qual chiamato a la Signoria tolse rispetto ad acetar et si tien

aceterà per servir la terra. E li ditti scurtini tutti tre saranno qui soto posti.

*Electo orator a Roma, juxta la parte.*

|                                                                                             |         |
|---------------------------------------------------------------------------------------------|---------|
| Sier Vincenzo Querini dotor, fo ambasador a l'Imperador . . . . .                           | 30. 119 |
| Sier Piero Balbi savio dil Consejo, qu. sier Alvise . . . . .                               | 35. 107 |
| Sier Polo Capelo el cavalier e provedador zeneral in Padoa, qu. sier Vetur . . . . .        | 46. 98  |
| Sier Alvise Malipiero savio dil Consejo, qu. sier Giacomo . . . . .                         | 44. 96  |
| Sier Zorzi Pixani dotor cavalier, fo consier, qu. sier Zuane . . . . .                      | 15. 132 |
| Sier Francesco Foscari el cavalier, fo podestà a Padoa, qu. sier Alvixe . . . . .           | 67. 76  |
| Sier Domenego Trivixan el cavalier procurator . . . . .                                     | 70. 77  |
| Sier Antonio Condulmer, fo savio a terra ferma, qu. sier Lunardo . . . . .                  | 22. 129 |
| Sier Piero Contarini, fo proveditor al Sal, qu. sier Zuan Ruzier . . . . .                  | 24. 120 |
| Sier Marin Zorzi dotor, fo cao dil Consejo di X, qu. sier Bernardo . . . . .                | 41. 103 |
| Sier Francesco Donado el cavalier, fo di la zonta, qu. sier Alvixe . . . . .                | 18. 127 |
| Sier Zuan Badoer dotor et cavalier, savio a terra ferma . . . . .                           | 45. 102 |
| Sier Antonio Zustinian dotor, savio a terra ferma, qu. sier Polo . . . . .                  | 69. 75  |
| Sier Andrea Trivixan el cavalier, savio a terra ferma, qu. sier Tomaso procurator . . . . . | 41. 105 |

*Electo orator in Spagna, juxta la parte.*

|                                                                             |         |
|-----------------------------------------------------------------------------|---------|
| Sier Piero Contarini, fo provedador al sal, qu. sier Zuan Ruzier . . . . .  | 27. 110 |
| Sier Antonio Condulmer, fo savio a terra ferma, qu. sier Bernardo . . . . . | 38. 117 |
| Sier Anzolo Cabriel, fo auditor novo, qu. sier Silvestro . . . . .          | 16. 137 |
| Sier Vincenzo Querini dotor, fo ambasador in Alemagna . . . . .             | 51. 100 |
| Sier Antonio Surian dotor, camerlengo di comun, qu. sier Michiel . . . . .  | 40. 108 |
| Sier Zuan Badoer dotor, cavalier, savio a terra ferma . . . . .             | 74. 73  |
| Sier Marco Gradenigo dotor, fo auditor vechio, qu. sier Anzolo . . . . .    | 22. 130 |